

DUEBUK

A. Capell.
N. S. 147

782.27 WUL

MOORE COLLEGE
LIBRARY


A hymn book in the Amel language

MOORE THEOLOGICAL COLLEGE LIBRARY



3 2042 10014955 2

Duebuk



.....
*
A. Wullenkord

.....
1946
Lutheran Mission Finschhafen
Finschhafen
Territory of New Guinea

Printed in U. S. A.

MOORE COLLEGE
LIBRARY

(Inhaltsverzeichnis)

Anut egena hih 'ehigec	7
Anut egenu wauk nijecep	25
Anut ijana Tibud tabani	43
Anut Jawe uqa ijan wasi	6
Anut odocna maha 'unuk	28
Anut uqa ege mecigen	40
D ana doigale Anut uqa	9
Danahmecjec gun dolonige	37
E sulgec ben nagale	16
G is gun nen 'unuk doigale	36
H ina sau 'ulna ti 'alilem	15
Hosiana binan nuiale	22
Hudigen, hudigen, Jesus	34
Ija Jesusna eben hewigina	4
J awe gukbahec, uqa 'inwe	39
Jesus 'ajen 'unuk doigale	14
Jesus egena Tibudbahec	24
Jesus Kiristus Tibud mele	2
Jesus Tibud melah	3
K irismes mebahec, däl eu	11
M ei Anut hina eben silik	29
O Anut ege memige	1
O dana 'ajaca 'unuk hoiga	27
O dana age säleiga, witic	18
O dana 'ajaca mel meleitca	38
O dana doiga, Jesus wele hona	30
O dana 'isdoqale, amige	12
O dana 'unuk mahuc hoigale	41
O Jesus je hahun igem	17
O Jesus Kiristus nelinca	5
O Jesus Kiristus waloc	13
O kiristen 'unuk säleiga	8
O kiristen 'unuk säleiga, 'am	26
O mei Jesus, ija hina 'ulain	23
O 'otiel, egena 'am 'ajen	31
O tamanec dogale, 'adca	32

O Tibud, ijaca hoga	42
O 'ulteiga, o 'ulteiga	21
'Ojageanu säloqa	19
Oe, ija adibahec odimik	35
Oe, ijana 'ebac Tibud, je i	33
'Unuk hu doigale, je me	10
Witic mea usgena	20

Uha fecnu	23
Wajoiadecnu	24
Danahmecjec gun jecnu	25
Mel sim wajoiadecnu	28
Anutca danah hewec eu hewi daukdocnu	30
Dan 'ajacna gabanalecnu	31
'Almec hel 'isadecnu	32
Anutna sisimecje 10	33
Wawige meleecje	33
Memige inondoc gun	34
Satan hibemdocnu, Jesusna falicdocnu je	34
Qasil inondoc	34
Wesu inondoc	35
Hakcanu inondoc	35
Sab jecnu binan ² sulecnu	35

*

*

*

1. Dodol: Wie bist du mir so innig gut.

1. O Anut ege memige, Hinana je mebahec. Ege wele gaitgait qä dolom, qila gaitgait doqona.	2. Ege dana unuk meqä, jic waldoc oboqona. Ege jic weleddec eu uculep Anutna jic oboqan.
---	---

3. Satan ege gait uhulgena,
uqana kobol meqä.
Ege Satanna kobol uculep
Anutna falicdoqan. Wullenkord.

2. Dodol: Jesus Christus herrscht als König.

1. Jesus Kiristus Tibud mele, 'eteh 'unuk uqanadec, walinige ibuldon, walinige ibuldon.	2. Dana unuk mahanadec o mahuc mahuc hoigale, ege Jesus tôdoqan, ege Jesus <u>tôdoqan.</u>
--	---

3. Kobol weleddec 'uleiga, Jesus uqana kobol oiga, ege qä fadaloqaun, ege qä fadaloqaun.	4. Satan ege wele jeligen, Jesus 'eseli 'ufaligen, egenu gait odona, egenu gait odona.
---	---

5. Jesusna jobon mebahec,
uqana gun negebahec,
Jesusca gait bileqan,
Jesusca gait bileqan. Wullenkord.

3. Dodol: Jesus nur alleine.

1. Jesus Tibud melah, Jesus nelukca,
ija memitennu 'ulouk ugina.

2. Jic meqä 'obolik, Jesus utaten,
tôti 'obogale! Je odi maten.

3. Ijana silail 'unuk 'agasitena,
wawi gegehinnu wajoitena.

4. Ija mei 'eseli qä hibemdugaun,
qäbahec 'eseli haun falicdugaun.

5. O Jesus ebeni, hina hewega,
jic tutuc 'obocnu me iwaltaga.

6. Hinana jobonnu wawi hôlena,
hinaca bilecnu ija setena.

7. Hinana jobonna binain suligen,
wawi tôgdoc ono gaitgait biligen.

8. Jesus Tibud melah, Jesus nelinca,
hinaca 'obocnu me iwaltaga.

Wullenkord.

4. Dodol: Ich will streben.

1. Ija Jesusna eben hewigina,
uqa ijana dana.
Ija Jesusna jic me 'obigina,
uqa ijana gela.
Maulom, Guntabak, Sasail tibud,
Hanas, Waito o age 'unuk
gat hoigale, gat odoiga,
ija qä 'ucujigaun.

2. Jesus ijana, ija uqana,
ija inca 'adeqan?
Jesus gagadic, ageca 'adec
uqa du 'uhadona.
Jesus dana ege odi qä,
Anut melah eu uqabahec.
Sauca mahaca 'eteh 'eteh 'unuk
Jesus uqana himec.

3. Ege wele gaitgait gat 'obolop,
Jesusnu nak qä dolop.
Ege wele gaitgait gat odolop,
kobol me nak qä folop.
Heje, äh jelec, o han 'adec,
Satanna kobol meqäbahec,
dana 'ajaca o mahamahadec
'eteh eu himec doloik.

4. O sain mebahec, o kobolbahec
egeca qila hona.
Je sau ohisdec, Jesusna je me
ege qila doqona.
Humeik feiga, dana 'ajaca,
humeik doiga, je melebahec.
'Ain sumuduwin, eu Anutna sain,
Jesusna falicdoqan.

Wullenkord.

5. Dodol: Herr Jesu Christ, dich zu uns wend'.

- | | |
|--|--|
| <p>1. O Jesus Kiristus nelinca,
mecigecem nak walolhea,
ege meqä 'oboqona,
hinana jic qä foqona.</p> | <p>2. Satan meqä odigena,
ege gait haun faningena.
O Jesus 'ain 'uligigaun,
hinaha qä 'uliheqaun.</p> |
| <p>3. Hinana gis suldocom nea,
ege wawigena lea,
wawigena tu 'ahulec,
kobol hinana feca qä.</p> | <p>4. Hina golain golodu nen,
ege hehulgimek 'almem.
Hina dewen silail qä nijel,
egena silail dewenna mem.</p> |

5. Egena silail 'ulumenbahec,
gait dot gahidoc eu meqä.
O Jesus 'agasigaga,
hina himec eu dogona.

Wullenkord.

6. Dodol: Lobe den Herren.

1. Anut Jawe uqa ijan wasi nuiale,
mahamaha Tibud eu dih binan suleigale.
Uqa himec ben, o benbahec,
'eteh 'eteh uqanadec.
2. Sauca macasca o mahaca uqa ifanen,
uqa madecep 'eteh 'unuk me dih 'amasmen.
Dana odi, age guk filnadec qä,
ege 'unuk uqanadec.
3. Uqa ifanen eu äldocnu gait wauk nijena,
danaca dôlca, o manca tu gait motmadena.
Uqa himec mahamaha memadec,
memigebahec bilia.
4. O dana 'ajaca je inu me 'isdoqale,
Anutna je dih gait wawigena nijiale.
Uqana je tutuc, nak waldoca qä,
eu gait tôdu odoqale.

Wullenkord.

7. Dodol: Ein' feste Burg ist unser Gott.

- | | |
|--|---|
| <p>1. Anut egena hih 'ehigec,
euna 'idacgec biloqona.
Anut egena gelabahec,
euqa qalecna tawoqona.</p> | <p>Qila 'ad weledec
gemak benbahec
nawel 'obona,
jahini han mena,
gait aaqati tôgena.</p> |
|--|---|

2. Enca 'adecnu in ihoc?
Uqa mahucwe wôlgena.
Egena 'isdoc egena odoc
euqanu qä ihoclena.
In 'agasigena?
Ijan doqona,
eu Jesus Kiristus,
eu egena Tibud,
eu han mi qä qolodoiaun.

3. Mahana Satan ihoclealmi
Jesuscafi gait qä 'ucujoum.
Satanna han eu alilgealmi
Jesuscafi gait wôladoum.
Mahana ben qila
eu han galaca
qigecwe qäo,
Jesus eu ben wôldoc,
wele ile lahacdocop nen.

4. Jesusna jeha qä 'ogogdowain,
eu gaubahec odigina.
Temgec eu hedocop siwmudocsain
mahucwe euqa tôdona.
Dewenige geldoik
udha awalgifeik
eu 'ois ogina,
eu 'unuk 'alua,
Anutna 'ul eu egena.

Wullenkord.

8. Dodol: Mir nach, spricht Christus.

1. O kiristen 'unuk säleiga,
Jesusna taul fuldona.
Us nijecsainca qä qila
'ad gagadic migena.
Eu qä 'adena qäbahec
Anut muguh eu ocwe qä.

3. Jesus madena tôteiga,
'ad eu 'ilehdoigale.
Jic aquniadigina
euna gait 'oboigale.
Jic eu sosokca anak qä,
sauna tena bahuca qä.

2. Jesusna taul eu 'eeta?
Uqana je eu doiga!,
'Ad eu ege golanige
ege 'isdoc weledec.
Eu Satanna 'esuldocna
meqänu gait haun temgena.

4. Oso deweknu 'isdona,
mele fadaligian.
Eu dewek fädu geldona,
dolok ehudigian.
Oso wauk 'isdoc tôdona,
dewek dolokca geldona.

5. O Jesus me 'esulgaga,
gagadic mecwe qäo.
Abuldoc gait ihoca qä,
wôldocnu jainqigena.
Ehigecem gait tôheqan,
'almimep hinaca teqan.

Wullenkord.

9. Dodol: Lobe den Herren.

1. Dana doigale, Anut uqa egeca lo hon,
melah suldocop 'o tîdumei ene 'alihon.

'Eetanu nen? Ege fadaleqaunnu.

Je eu 'unuk 'isdogale.

2. Ege 'unuk wele tuna jic waldoc 'obolop.

Satan uhulgecep tutuc 'oboc jic qä folop.

Jesus himec, uqa fuladocbahec,

jic paradis lec ihagen.

3. O Jesus memigec, ijanu mel sim ibuldom.

Memenna gun me kobol o kobolca qisacdom.

Ija meqä amek, ihecweca qä,

eunu majani ben tena.

4. O Jesus memigec, wawina li bilegale.

wawi äldocom eu hinana jo taweale.

Ija 'oboc, hinaca dih eu ihoc,

'oni hewi todogale.

Welsch.

10. Dodol: Ihr Kinderlein kommet.

1. 'Unuk hu doigale, je me maadigen,

Betlehem jobonna mel sim 'aliben,

nel eunu porowet wele meje jaqoin,

nel eu mahamaha sumudi bilein.

2. Mel eu anadec, Betlehem eundecfo?

O qäo, Anut sau ohisdec sauldon.

Eu uqana melah, egena Tibud,

sauna gait biloloi, eu ijan Jesus.

3. Adifo odocop memekna gun me

'uculi egeca toni bega men?

Maria wauk soidoca mel eu basen,

döl agena bohna mudocop nijen.

4. Satan mamaha meqämamaden

eu fimei waloldocop egenu nen.

Satan jeligechnadec jic besigen,

maha hih 'ehecna ehili migen.

5. O Jesus dogale, je mahoqona,

ege 'unuk eunu gawihoqona.

Hinana je tîdubahec 'oboqan,

'almimep ti hinaca gait bileqan.

Wullenkord.

11. Dodol: O du fröhliche.

1. Kirismes mebahec, däl eu 'älecbahec,
Jesus saudec mahana nen,
Maha fadalec bilen, Jesus waloldocop nen,
'äläleiga, 'äläleiga Jesus hon.

2. Kirismes mebahec, däl eu 'älecbahec,
Jesus saudec mahana nen.
Satan ege jeligen, Jesus haun 'ufaligen,
'äläleiga, 'äläleiga Jesus hon.

3. Kirismes mebahec, däl eu 'älecbahec,
Jesus saudec mahana nen.
Satan ege uhulgen, Jesus je mele magen,
'äläleiga, 'äläleiga Jesus hon.

4. Kirismes mebahec, däl eu 'älecbahec,
Jesus saudec mahana nen.
Dana ege hoiga, Jesus binan suleiga,
egenu, egenuha Jesus hon.

Wullenkord.

12. Dodol: O Welt ich muss.

1. O dana 'isdoqale,
amige mi foqale
Golgatanacisec.
Jesus Anutna melah,
Jesus egena 'ofgec,
nababalecna tuitu qoin.

3. Geldoc odi tatawen
alildu tu ninijen
memek uqa 'uldon.
Wele ola fuladoc,
qilaqa walasadoc,
dewek golac golodu nen.

5. O Jesus mecitagale,
wauk tōgdod itigale,
deweni 'ijena.
Age meqä odihein
eu ijaha odihem,
ija gait fäec 'ahulec.

2. Info odi odudoin,
info eben tuitu qoin,
dewek meqä mudoin?
O dana, mele ege,
eu egena qisolmec,
egena silail dewekna len.

4. 'Emenuk li feigale,
nak waloladeale,
eu wälocabahec.
Uqa egenu mimei
ege tawecna limei
ege hehulgimei 'almen.

6. Ijana sain hedocop
'almec 'emeni hocop
golainnu 'isdugen.
In ija geltigian,
wawi silailca figian?
Hina 'almecna memitem.

Wullenkord.

13. Dodol: O Lamm Gottes unschuldig.

1. O Jesus Kiristus waloc, nababalecna qihein. Dewen ben daindodonha 'on 'ulecep 'ewihein. Egena silailnu qä 'almoum ege fadalecna biloum, mecigecem wawin bodoeale.	2. O Jesus Kiristus waloc, nababalecna qihein. Dewen ben daindodonha 'on 'ulecep 'ewihein. Egena silailnu qä 'alnoum ege fadalecna biloum, wawin tögdoc itigale.
--	--

14. Dodol: O dass ich tausend Zungen hätte. Wullenkord.

1. Jesus 'ajen 'unuk doigale, helnadec 'eseli 'ajen. Män hel 'ufaon eu qatanen, dewekganac eu qä molel. 'Ebac silik gihacdocwe bilecwe qänu 'aliben.	2. Jesus 'ajen ben 'äloqale, 'ajecna 'almec dud qahen. Tu helna eu uqa fiagon, qila hel 'ucujanca qä. Jesus ege aqunigec, 'ajecna jic me besigen.
---	--

3. Jesus 'ajennu 'ajoqale,
'almec 'oboc ihoca qä.
Ege weleddec 'almeale,
haun ibuldumep 'oboqa.
'Äleiga, Jesus haun 'ajen,
'ebachilec eu besigen.

Wullenkord.

15. Dodol: O dass ich tausend Zungen hätte.

1. Hina sau 'ulna ti 'alilem, fulacdoca o memigec. Wawi hôlec odi 'ajena, hina bilecna biligen. Ene wadau 'obigina, sau 'ul eu ocnu oitiga.	2. 'Almecnadec 'ebac bilecnu hinana 'ulna ti nuom. Ija doloniha 'ajecnu, 'almecwe silailna nijigaun. 'Ebac 'oboc haun itecem hinaca isi 'aligen.
--	---

3. Mol aluhna wawin sogoe dewen tudoc sananmihen. Mol aluhdecha wawin 'äli sauna bilecnu ti nuom. Odi egeha tôhegan, nababalec gahidoqan.	4. Hinaqa mele ti nuomda, hinana jeqa bilena. Toinani euqa 'ofdugen o, jejein euqa dahmigina. Tôhi 'oboc iwaltena, sau jic 'ebec besitena.
--	---

5. Hina ohisna ti nuomwe 'eseli haunha tonegan. Ijana jo hina saciadom,	sain euna euha itegan. Je hahun i gait hewigen, oodom amina figen.
---	--

Welsch.

16. Dodol: Christus, der ist mein Leben.

1. 'Esulgec ben nagale, Gis gun, soidocnu ja,
hinana dälnu ene sumihi bileqa.

2. O 'eal sau ohisdec, wawi fulacdoga,
silail gukbahec eu fecnu wawi fogodoga.

3. Memigena je dolik, dahini bilena,
eu tôduha odocnu uwein eu itiga.

4. Jesusna je madecnu 'oni haun itiga,
uqa binan sulecnu hina 'esultaga.

5. O tim Anutna gundec, wawigena hoga,
ja gun, wawige 'almec gowocnu tuldoga.

6. Wawige osol mecnu, ege iwalgaga,
wa gun osol wajomnu, guk osol migiga.

Welsch.

17. Dodol: Nun danket all' und bringet Ehr'.

1. O Jesus je hahun igem, eu tôdu odoga.
Gis gunnu ege wawige, tu gait ben hôlena.

2. Ija eu sulduadigen, bega bilec meqä,
eu agena 'esuladec, je eu odi magem.

3. Ege bega biloqona, hinaha fagana.
Satan tu gait 'ilehgena, meqä odigena.

4. Tamanec hinanabahec, golain gunna fajem,
eu gemo 'eteh weledec aji jeligena.

5. Uwenigeca mecnu, ebacgis igiga,
musul 'agu 'obocnu, ehigi 'oboia.

6. Satan odoc jahinecnu, uwen qatanea,
meje 'unuk eu todocnu, homige 'ehea.

Wullenkord.

18. Dodol: Nun danket all' und bringet Ehr'.

1. O dana age säleiga, witic tu hedoia,
'am wele oholeb tena, maha negebahec.

2. O dana age säleiga, wele tu benbahec,
jic tutuc eunu qä folom, asigel jic uhul.

3. O dana age säleiga, Jesus qila hona,
uqa himec 'am mebahec, maha fulacdona.

4. O dana age säleiga, gait us nijec meqä,
'am wölgecep haun feca qä, gait tuna bileqan.

5. O Simbang, Rai, o Wagica, o Jabdana 'unuk
Anutna jic 'oboigale, o Jesus tôdoiga.

Wullenkord.

19. Dodol: Aus meines Herzens Grunde.

1. 'Ojageanu säloqa, Anutnu 'isdoqa.

Witic me us ninijoqon uqa 'idacgea.

Tu ben alilgegen dahinige 'elecep
uqa ege nu 'isdumei ege me 'ofgea.

2. 'Ojageanu säloqa, Anut dangedoqa.

Tabanige gait hewena, eunu me biloqa.

Tu gait mot migena, qisacgi qä 'obona,
memigewe odigena, ege gait älgena.

3. 'Ojageanu 'ajoqa, Anut inondoqa.

'Ahinek 'obocna meqä mati alilgena.

Satan egena 'ad gait temgigi 'obona,
jamigena aisais meqä, gait haun heligena.

4. 'Ojageanu 'ajoqa, 'abi sumigena.

Ege 'obocsain eu gohic, onoca qä lena.

'Abi filfil igen, eu qä hedoc ninijep
Jesus ege utagecep amek meqä oqan.

5. O Jesus memitec dogä, wawi ihigina.

Doloni 'isdoca 'unuk ebenna migina.

Deweniha 'unuk hina 'idacdogale,
honi 'ehecem hinaca tu ina 'obowan.

Wullenkord.

20. Dodol: Müde bin ich geh' zur Ruh'.

1. Witic mea usgena,

'abalna us nijeqan.

O Anut hina hoga,
ege batut mecigaga.

3. Ege ba meqä odöqa,

silail oso ege moqa,

eu dahin 'ain biliaun,

haun odi qä odoqaun.

5. Uqadac 'ojagecep

ge me us nijimep

2. Man meqä qigecdainnu,

hak meqä qigecdainnu,

o Anut hina hoga,

ege me 'idacgaga.

4. Dana hak bileigaga,

dain meqä adenaqa,

o Anut, hina hoga,

'unuk me äladaga.

hina binain suleqan,

odimep me 'oboqan.

6. Egena sain hedocop
'almecnu jagel hocop

| o Anut, hina hoga,
| sauna ehiti migiga.

Wullenkord.

21. Dodol: Lass mich gehen.

1. O 'ulteiga, o 'ulteiga,
ija Jesusca ti figa,
uqaca gaitgait bilecnu,
uqa ola gaitgait fecnu,
eunu wawi hôlena.

2. Maha ene, maha ene,
hak meqä gaitgait nijia,
hak megecep haun qigena,
'almec egeca gait hona,
enenu qä setena.

3. Sau ohisna, sau ohisna,
maha me oso nijia,
euna hak nak qä aqena,
'almec onoha qä tena,
gait 'oboc 'atanena.

4. Maha 'unuk, maha 'unuk,
dana 'aja silail matica,
silailca qä ana bileiga?
Ene qä, Jesusna gunna,
Jesus 'unuk soiaden.

5. Paradisna, paradisna
'äleceteh ben nijia,
man odi hojonicami
aluh tainca wôladimik
ono qila ti nuoum.

Wullenkord.

Dana dodolna silecnu.

22.

Hosiana binan nuiale, Jesus Kiristus e,
egenu waloldocop memigecnu toni nen.
Egena silail benbahec 'unuk 'agasigena.
O Jesus mecigagale, me 'obocnu 'esulgagale.
Satan gait faningena, o Jesus 'idacgagale.

Ud.

23.

O mei Jesus, ija hina 'ulain ugen,
ija hina 'ulain ugen.
Ijana silailnu hina dewen tudoin,
hina dewen tudoin.
Ijana qisolmecnu hina dodoc hinana
nababalec gahidumek Golgata aluhna
ti 'alem, ti 'alem, o mei Jesus.
Ono hina tuitu qihein, ono hina tuitu qihein,

o mei Jesus. Ija doloni me bilecnu hina
dewen feni nen, hina dewen feni nen.
Hina golain ijaca danahmecnu basecdon,
hina golain besecdon. Eunu ija 'äligina,
eunu ija 'ulain ugina, o mei nelinca.

Ud.

24.

Jesus egena Tibudbahec, Tibud oso
uqa ihoc qä bilel, qä bilel.
Uqa himec egena Tibud sauna bilia, bilia.
O dana 'ajaca, o mel melaitca 'unuk hoigale.
Egena Tibud jahunecnabahec bilia, bilia.
Ege 'unuk uqa megamekmi wali feqan, feqan.
Oso uqa amekna himec waligiaqa
qä gulucdoiaun, doiaun.
Oso uqa 'ul 'unuk, wauk 'unuk, üwen 'unuk
waligiaqa gulucdumei 'äli biligian, biligian.
O dana, je inu me 'isdudu 'oboqan, 'oboqale.

Ud.

25.

Anut egenu wauk nijecep uqa melah
fulacdocbahec ege 'uli 'uligen.
Uqa binan benbahec, mahamaha 'unuk
uqa binan suleigale.
Satan ege meqämigecnu gait nawel tawi
'uhulgena, o Jesus 'idacgagale.
Tutuc 'obocnu iwalgagale, me 'obocnu
'esulgagale. Jesus Kiristus.

Ud.

26.

O Kiristen 'unuk säleigale,
'am tu goia golodona, wele ujedonado.
Ben eu uqa 'onadec wele säli qoginado,
Anut binan suleginado.
Egeha uqa uwennadec säli aji mahuc hoigale,
nqaha binan sulugale.
'Onige olomdumep wauk huni qajudoqale,
memige inondoqale.
O memige dogale, je i 'unuk mahoqona,
'onige hewegale.
Dewenigeha hina igem,

dolonigea hina wicain, me 'idacgagale.
O memige ben saünadec,
hina ijain egeca bilia, eu gun mudi 'obocnu.
Me esulgi 'alwan mimigi 'esulgecem 'oboqale,
idacgi wagogagale.
Gagadicmi 'ad wöldu 'obocomun
ihocligiannu homige 'ehegale.

Ud.

27.

O dana 'ajaca 'unuk hoiga,
menige Jesus wauk huni qajudoqa.
Uqa ege tutuanige nuocop
amek neluk hewudoin.
Uqa ege hewigen nonoqon ti amek 'ehi tawen.
Uqa dewek jeca qä fefeik
qocnubahec Pilatus madoin.
Uqa age 'uliadecep Golgata ehitein.
Uqa walocabahec teten 'aja age
qadauk uuti tôdocobil ti 'alein.
Ono uqa walocabahec odudoin.
Uqa dewek daindon eunu qä 'isdol,
ege 'ebac bilecnu memek inondugen.
O 'otiel, ege 'unuk eunu me 'isdocomun
maculqigecep gait wa hilwa silolea.

Ud.

28.

Anut odocna maha 'unuk manin tilien nijia,
hanca qalica, gela 'unuk moli hedona.
Dana 'aja mel melait 'unuk siw mudi bili 'uhadoqona.
Eunu ege 'unuk Anutnu dewenige nijecep
uqanabahec 'oboqan.
Ege 'ulinige ehiti Anutna gun mudimep
dewenige himec ene 'oboqan.
O mele, mahamaha 'unuk tu qamqu nijoloi,
ege 'unuk fahali 'obolop.
'Amaja nak fecä qä, 'ebac bilecnu doca qä,
dahinige qutum 'obolop.
Memigec Jesus egenu wauk hudocop
toni necep tu fiagon.
Qila 'amajac foen nijia, Anutna gun tecnu
jic 'amasac ihdon nijia.

O dana 'ajaca, ege 'unnk jic eu
tabakmi tawoqale.

Ud.

29.

Mei Anut e hina eben silik e ege migem e
hina eben silik e dana migem.

Satan uqa e meqäna migen, ehili migen e
meqäna migen, ehili migen.

Jesus uqa e egena fulacdoc jic besigen e
egenä fulacdoc jic besigen.

Meqä mati e 'ulec 'atanec e hu feiga e
o dana feiga e hu feiga.

Kobol haun e saunadec kobol e ege oqan e
o dana, oqan, kobol i oqan.

Helpe.

30.

O dana doiga, Jesus wele hona.

Uqana bilec hamol mahuc mahuc äldutoqale.

Uqa hoc jic eu sisi wagalitoqale.

Sisi eu in men? Ege Satan qaugen.

Uqa ege fadalecnu odigen.

Memigecna hamol Satan tetec quton,

Tetec eu 'eeta? Egena odoc meqä,

ege 'unuk tetec eu segi boliandutoqale.

Uqana bilec aben isali 'uhadutoqale.

Memigecna hamol eu wawige huditoqale,

wawige meleec eu bilecbahim muduqale.

Uqa euna hu bili 'uhadumei

Tibudna malolje sildi ihageale.

Satanna balanu 'ulinige 'acuteaunnu,

Jesus memigec gisna hulinige 'ehegale.

Ud.

31.

O 'otiel, egena 'am 'ajen. 'El 'am 'ajen?

Eu ijan doqona, egena besioigec,

Jesus Kiristus 'ajen.

'Am euna mahamaha 'unuk ileti nuina,

Ege 'unuk Satan jeligimei silik jahuni 'uhadon.

Silik jahunen eu ege eundec oso

'ufalecnu nijenfo? O qäo.

Anut uqa melah eu 'ufalecnu.

ihoc fimej mudocop toni nen.

Jesus 'am 'ajen euna Satan silik jahinen
eu 'amasac ihdon.

Satan amek bilicanna Jesus 'ilehdocop
helna mudoin.

Satan amek belican eu Jesusca ihocfo?

O qāo, Anut uqana engel belican 'ahulecabahec
mudocop toni nen.

Satan eu fimei 'almeec ihoc ninijen
hel ebec besiuton.

Jesus haun 'ebacmimei

belican 'ahulec 'ajimei Satan tatageldon.

Memigec eu odocna Satan silik jahunen eu
fihilicdu heligen.

Eunu Jesus madena: Jic eu ija,

'ebacsilik eu ija, oso ija odomnu

dewek nijeceffi memigeca tigan ena.

Ud.

32.

O tamanec dogale, 'adca 'adecnu 'ain guleloqaun.

Jesus uqa ege homige, uqa ege 'idacgenado,
teteccul 'ain oqaunle.

O tamanec, 'äloqale, Jesus dangedoqale.

Jesus uqa 'ad eben sali 'edi ahu gabangenado.

'Äli bili binan suluqale.

Ud.

33.

Oe, ijana 'ebac Tibud,

je i mahecemin dahmitigale

Oe, ija silail sihildec,

je mahecnu majanitena.

Hina Tibud dana odi qā,

hina Tibud gait bilec guk.

Oe, Jawe, ija meqäbahec,

sainsain 'unuk gogolhi 'obigina.

Oe, Jawe, hinana wa 'ebac

ija wawina fifiji bena eu

tehelqoiaunnu hinana gagadic odoc.

suldocom nimei huhuni nijiale.

Oe, Jawe, ija hinanu wawi meleec eu

jajanoiaunnu hinana gis gun suldocom nimei

esuldocop taweale.

Oe, Gis gun, ija deweni je ben nijia
eu 'amasac migiannu hinana jana wawina tu eu
madacdocom ileteale.

Satan uqana jalaik jeca eu
gusocop humei 'ulini qocop
fadalec aiknu 'almi nijigaunnu.

O Jawe, hinana gela eu u tacitecem 'obigale. Ud.

34.

Hudigen, hudigen Jesus e sau jic e fele besigen,
e humeik feiga, dana 'ajaca.

Weleqa Anut sau jic e menimef feleha
'ehen tawoloi, e dolonigea tecwe qä.

Qilaqa memigec e Jesus e Satanca 'adimesi e,
e ilo lahacdudu sau jic hudigen.

Memigec sau jic hudigennu
egenu wauk 'almen ninijennu e
'eceligena uqaca tecnu.

'Eetanu 'eceligena? 'Ebacbilec guk eu e igigiannu,
e fadalec silik eu 'ain hewi gagiloqaun. Ud.

35.

Oe, ija o adibahec o odimik o e
'ebac o bilec eu oume?

Tibud o na gun o e 'äli bilec, eu oume.

Oe, maha ene o e wawige tôgdod oboca qä,
'äli bilecha qä nijel.

Jainqiqigen sogoi 'oboc
eu himec maha ene nijia.

Wawige tôgdod 'äleca enecisec qä nijel,
jon nahacisec Tibuna 'ulna tôgdod ben
ono mele nijia.

Oe, maha ene o me 'obocwe o qä nijel o nijel o.

Satan bik gulican gaitgait fifi biligina.

Satan uqana eundeca maha ene 'unuk
ihocli hedon nijia.

Age ege jaigelqigecnu tun tun je anmegina.

Satan uqana eundeca agena je eu 'unuk
lahacdudu 'obocnu o Ben Jesus
humek 'esulgagale.

O Gis gun o hina humek dolonina jo hamol

bilimek 'ulini Tibudna gun 'eit figiannu
jic dadomudugale.

Ud.

36.

Gis gun nen 'unuk doigale, Jerusalem ono.
Tempel jona apostel age gis ocnu
ebebaci bibilegin udududu necep ebli hedoin.
Gis gun nimei apostel ehadi momodo madecep
'ajimeik Jesusna 'abi ben eu giagi mudoin.
Egeha apostel ihiconaga umep Gis gun ocnu.
Gis uqa ege nalunige men, gait huhu nijia.
Ege uqa 'ecelqudocmun humei hamol ligian
Gisna jo hamol 'uamu ana nijia?
Dewenige dunuh gisna hamol 'uamu nijia.
Gis hoc jic eu 'eeta oso 'ufaqona?
Egena silail silik filfil eu 'ufaqona.
Silail silik besi 'edi egena Tibud amekna
moqale. Gisna jic qahitoc je ihen doqale.
Duduha gisna jic 'ain menitoqaun, huditoqale. Ud.

37.

Danahmecjec gun dolonige mabijigiannu ifanen.
In ifanen? Doqona, Jesus uqa, memigec uqa dodoc
dewek golaca ifani men.
Ifanec guk eu wele hoia, ihanecbahimna
eben nanaha dewek bohca
golac gabinca hewalea tawea.
O dana 'aja 'unuk hoiga, emenuk limep
amekna gob 'ehi inondocomun igecep u joqale.
'Eetana u jecnu? Wawige 'aunna.
Eu jecna 'ebac bilecnu wawige hôlec migigian,
golanige Satanna 'eteh 'aluanu wasena eu
'ilehdocop tonigian.
Memigec dewek gun golac gun igena euna
dewenige silail eu tahecdu heligigian.
Anut 'ad mudom eu, eu jecna tatanawi
Anutca danahmecnu.

Ud.

38.

O dana 'ajaca, mel melaitca,
hanbala jajaeiga, han qali taweigale.
Jawe egena gela taweadu,

uqaca tatawi 'adca 'adoqale.
Hulufanige weledec eu isomige migeedainnu
batut feigale, me 'ofdoigale,
'eteh eu Jesus wele soidondo.
Basaec bilecnu 'isdoqale.
Egena 'adca 'acadi fäoqale,
odidih oodi wôldu beleqale.
'Adca 'acadi wôldocnu ihocdo,
Anut eunu magenado.
Ege 'unuk 'isdoqale, uqana jeca uqa ijanca
egeca suldon, gaga taweado,
saulal mumudi binan suluqale.

Digan.

39.

Jawe gukbahec uqa inwe
ege migen 'oboqona, 'oboqona.
Uqana gis 'ebac danaca mudon,
euna 'ebac biloqona, 'ebac biloqona.
'Ebac egeca bilia eu o uligecep loton
nijoqona. 'Ebac eu ana nuina? Anutca nuina.
Uqana 'ulna ege 'oboqona,
uqa ege 'alwau migen, 'alwau migen.
Foqona eu 'unuk uqa toinan nijia,
ege 'unuk uqa binan suleqan,
uqa binan suleqan.

Aik.

40.

Anut uqa ege mecigen,
fadalecna bilocomunnu melah 'uligen.
Mel eu umbahec ege 'uligen, 'eeta oso
amek utoqan? O qäo, dolonige uuti 'oboqale.
Egena silail dewekna u men.
'Eetanu toni nen? Egeca danah mecnu.
Satan uhulgecep meqäna 'obolop.
Jesus memigec fulacdocna migigale.
Wawin bodocna mecigecem wawin qoiale.
Hina golainna ege fajigemdo.
Hinanabahec bilecnu 'esulgagale.

Ite.

41.

O dana 'unuk mahuc hoigale,
egena Tibud sumudi 'oboqale,

uqa wele däl migendo.

Sain ana egeca hugian je eu tutuc
ana dogina? Magecebil doqale.

Ege dolonige tudoc gun muduqale,
Anut uqana toinan biliado, batut 'isdoqale.

O dana 'unuk fadalecnu hedodon
Jesus 'edigena, ijana 'ebac Tibud uqaca
qämi wele fadaloum.

Egena Tibud uqa jejek in dugian?

O qäo, ege doqale. O dana 'unuk
Satan hibemdoqale. Jesus 'esulgenado,
uqa himec tôdoqale.

Ite.

42.

O Tibud, ijaca hoga, qila witic mea us
nijigen. Ninijemin Satan humei
gumiti taweannu e Jawe hogale.

Jawe hina Satannu 'agucak tatawi e
jabitagale. Ija ba 'ebac Tibud hina
wowogoin numik e us nijigen.

Hinana gis eu humei alilti e 'olomdaniteale.
Deweniqa us nijigian, doloniqa amek 'ebac e
biligian, ujedodop doloni uqa deweni
tulidocop e säli 'ajigian.

O Tibud, hina wicain i utadocomfiqa
deweni nijecep 'atanigian, doloniqa sau jic
fele besitocom ti hinaca biligian.

Ud.

43.

Anut ijana Tibud e tabani hewi e bilena.
Qila me 'obocnu ihoc iiti e 'esultea.

Deweni me bilecnu motmitecha e itecep ihoclea.

Eunu hiel, wawige 'aunna tabanige qagec
Tibud eu dangedoqale.

'Aja uqana melnu e wauk ben nijecep e
soadudu äldona. Eu 'unuk woldoc ijana
Tibud ijanu 'almimi oditena.

Eunu Jawe ijana Tibud, ija uqana e
begabek biligen.

Ud.



Uha fecnu.

Ulicadec: Memige Anut ijanna, uqa melah ijanna, Gis gun ijanna ege sananmeqan. Mele.

Tamanec: Due.

U: Dac 6, 14. 8, 12. 12, 3. meje osoca eundec oso madigian.

U: Ege Anut amekna egena silail qasali madeqan:

O memige Anut, ege dana 'aja melca hoqa hina amenna tawoqa, ege dewenige 'unuk silail 'ahuleca, ege jamigenadec gegehin ilomigena hewen nijia, ege eunu dewenige 'ijecep wawige tuciena. O memige, hina ege mecigecem walolheale, faga, hina melem Jesus uqa egnu mimei egena silail amek umei 'almen, hina eunu 'isdumek egena silail 'unuk jahuldogale. Mele.

T: Due.

U: Oso uqana silailnu dewek 'ijecep wauk tuciena euqanu Anut odi madena: (Dac 8, 2. 8, 17. 8, 21. 8, 27. meje osoca eundec oso madigian.) Anut ohisdec binan wasi nuiale!

T: Hosiana, binan nuiale

T: Wawige meleecje.

T: Due.

U: Je maadec.

T: Due.

U: Ege Anut inondoqan:

O memige Anut, ege qila hinana je doqa, je eu wawigena biligiannu me 'idacgagale, je eu tôdu odocnu 'esulagale. Hina je mebahec egena mahana suldocom hon bilia. Je euna ege wawige fulacdona, ege 'ulinige tôgdona, egena maha tiliena, eunu dangehoqona. Hinana je hinana kobolca egeca hon eu mahamaha nuigiannu mahogona. Hina sos mati suladecem tuna bilegina eundec iwaladeigale. Sos age gagadicmoqagannu me 'esuladagale, age hatawowainnu me 'idacadagale. Hinana gis suldocom mahamaha wawaga hunecep age kobol weledec 'uculi hinana jeca hinana kobolca hewi bileqagannu. O memige,

ege kiristamanec egena guk tutuc mi duigiannu me 'ofdogale. Ege leih fäi obogina eu tutucmadagale, falicdoin eu 'eseli hoqagannu megadagale, ege leih hakca memadagale, egena 'ofgec eu hinana gagadic odoca hinana 'isdoca adagale, egena luluai tultulca hinana gis adecem jic tutuc aqunigeigale, egena mel eu me iwaladagale, ege osoben hinana je tôdu odocnu eu igigale. Ege odi hinana jic 'obocomun 'almec däl 'alihocop hinana gun jic hudigagale. Mele.

T: O ege memige

U: Äladecje: Jawe age äladeale, uqa age 'idacadeale. Jawe uqa ola fulacdocna meciadeale, uqa agenu wauk qoiale. Jawe uqa ola suliu 'ofadeale, uqa age wawaga malol adeale. Mele.

T: Mele, mele, mele.

Wajoiadecnu.

Ulicadec: Memige Anut ijanna, uqa melah ijanna, Gis gun ijanna ege sananmeqan. Mele.

Tamanec: Due.

U: Je maadec.

T: Due.

U: (1. Dac 4, 4, 6. je eu madigian.)

U: Ege inondoqan:

O Jesus, sauna gagadic odoca mahana gagadic odoca hinana dih. Hina wele hinana malogom maadem: Dana 'ajaca 'unuk ijana malogom madeiga adem. Faga, dana 'aja melca leih ene taweiga, age hinana malogom ibuldocnu madegina, eunu ija age qila wajoiadigen. Hina age wawaga dunuh fagana, oso wauk tutuca eu fagana, oso wauk 'ogogeca euha fagana, hina agenu walohecep olain soidocna meciadagale, hinana gis gunna joiadagale. Mele.

O dana, 'aja, mel, ija age sisiladigina, age melebahec wawaga Anutna falicdon nijiafi aoega!

(Age madeqagan:) Ao.

O dana, 'aja, mel, agena silail qämigiannu Jesusna malogom ibuldocnuca wawaga nijecephi aoega!

(Age madeqagan:) Ao.

Age ija aoteiga eunu qila Anut amekna dana amaganaca Satan hibemdocnu Jesusna faliedocnuca madeiga!

(Age madeqagan:) Ija Satan hibemduga, . . .

Agena wawaga meleec qasali madeiga!

(Age madeqagan:) Anut Jawe, ege memige, . .

U: (Uqa age wajoiadigian. Oso wajoidudu madugian:)

Memige ijanna, uqa melah ijanna, Gis gun ijanna ija hina wajoihigina.

(Gait leih wajoiadime i Anutna je oso maadigian)

T: Due.

U: O 'otiel, wajoiadecna age kiris ibuldoiga, eunu ija age kiristamaneca gabanadigina. Dogina, ege kiristamanec ege Jesus dewek biloqona, Jesus uqa ege ilomige, ege filfil uqa dewek amihilon biloqona. Jesus dewekna amihilon oso meqämecep dewek 'unuk daindugian. Eunu ege batut foqale, ege meqä odocna dewek 'unuk daindoiunnu. Ege 'ofdocop 'ofdocop 'oboqale. Mele.

T: Due.

U: Inondoc. O ege memige. Äladecje.

T: Mele, mele, mele.

Danahmecjec gun jecnu.

Tamanec: Due.

Ulicadec: Memige Anut ijanna,

U: Je maadec.

Ulicadec: O 'otiel, age danahmecjec gun jecnu madegina, eunu ija 'asac je nah maadecemin doigale. Danahmecjec gun jecnu eu in ihoc? Age dodoc agena guknu 'isdoi-gale. Feiga, ege anige golacnadec meqä eu jeligen 'oboqona. Ege simnadec silail mecnu wawige ninijen me eu hibem-dudu fäi 'oboqona. Ege dahinige 'isdocnaca, jenaca, odoc-naca jahunecnaha 'amasacnaha gait silail moqona. Silail wadacdoc maha eneha nahacisec onoha ocnu ihoc biloqona, ge egena silailna Anut gogoldi bilep uqa olohon dewe-nigena moqona. Ege eunu batut 'isdoqale. Ege oso ija nak ihoc 'obigina igiaqa eu uqa dodocnu amek qä fogodol, eu jec eu jecnu ihoc qä, ge danahmecjec gun silailca eundecnu ifanen.

Ege naha odi 'isdoqale: Ege dodoc meodocna egena silail qāmudocwe qā, ege dodoc meodocnaha Anut wauk-qoca odigecnu eu ocwe qā. Ege oso eunu 'isdumei dewek 'ijecep wauk tucieca lalqu Anut amekna hu tawigiqqa eu qā geldoiaun. Ge Jesus Kiristus Anutna melah uqa ege odocwe qā nijia eu uqana 'almecna 'unuk odigi hedon. Ege eunu gait haunhaun 'isdocnu danahmecjec gun ifani migen. Ege ifanecje eunu wawige meleecep jocomun egena silail qāmigian, ege Anutca haun tanaweqan, ege wawige melec eu duigian, ege Anutna gagadic odoc eu oqan. Wauk mele qā ec eu Jesus dewekca golaca 'ewudona, eu Jesus golac dewekna hugian.

Ege oso 'otiknu wauk 'ad nijecephi euha 'ain jeaun, ege 'otigeca qā tanawec euha Anutca tanawecwe qā. Egeha isi haun silail 'ain moqaun. Ege Anutna gis 'esulgecna meqā eu hibemdudu Jesus 'o tôdu odoqale. Ege oso haun fāi odocnu wauk nijecep eu jecna uqa dodoc dewek geldugian. Mele.

Ege qila wawige 'unuk lalqumep filfil Anut amekna egena silail qasaleqan:

O mei Anut, hina nelinca, ija majanica hina amenna huga tawiga ija deweni 'unuk silailca eunu olain fuladoc mecidocwe qā. Ija aminaca, dahini 'isdocnaca, ebeninaca jaminaca silail mimi hina gogolhi 'obigina, ija odigina eu qā galehena, hina olohoince wadactecnu ihoc biligina, eunu deweni 'ijecep qelelena, eunu wawi ben tucienā. O mei nelinca, hina ijanu walolhecep wawinqoca mecitagale, hina melem Jesus uqa ijanu mimei ijana silail amek u hedonnu 'isdumek ijana silail 'unuk 'ilehdogale. Mele.

O 'otiel, ija qila sisiladigina, age gait silail meginanu qila madegina odi wawaga ben tucienafi aoega!

(Age madeqagan:) Ao.

Age Jesus uqa egena silail amek gahidonnu Anut silail 'unuk 'agasigigian eunu wawaga meleecephi aoega!

(Age madeqagan:) Ao.

Age isi Anutna gis 'esuladecna meqā eu gait hibemdudu Jesus tôdu 'obocnu wawaga nijecephi aoega.

(Age madeqagan:) Ao.

Age eu odibahec wawaga nijia eundecnu Anut 'o 'tôdu maadigina, Anut agena silail wele agasiadena. Age wawaga mudi bileigale.

Age wawaga Anutca tea, ege engelca sauna bilegina eu 'unukca Anut binansulecdue sileqan.

T: Due.

U: Jesus wele danahmecjec gun ifanen je eu madecemin doqale:

Egena Ben Jesus Judas uqa deweknu balijen witic euna uqa bered umei binan sulimei feni siwiaadi maaden: 'Edi jeiga, i ija deweni, eu agena memecnu mudon nijia, age odi oodoik ijanu dahinaga 'isdoigale aden.

Uqaha pasa jec hedocop gabin oso u binan sulimei eu aadi maaden: Umeik 'unuk jeiga, gabin i danahmec haun eu ija golanina nijia, eu agena silail qämigiannu basec-dugian. Age odi jejeik ijanu dahinaga 'isdoigale aden.

T: Due.

U: 'Eteh 'unuk saciadu hedoia nijia, ji feiga, Anut uqa lo 'ahulec. Oso uqanu dewek nijigia eu me biligian.

(Ulicadec uqa age danahmecjec gun adigian, aadi bili madigian:)

Ege memigec Jesus odi madena: 'Edi jeiga, i ija deweni, . . .

Ege meinigec Jesus odi madena: Umeik 'unuk jeiga, . . .
(Ulicadec eu gait leih adime i maadigian:)

Ege memigec dewek golaca eu age wawaga meleec dui-giannu 'esuladeale, age hibna 'ebachilec 'atanec eu oqa-gannu. Mele.

Ege inondoqan:

O memigec Jesus, hina ege sab me igecem ois joqa, eunu ege hina dangehoqona. Ege silail 'unuk hibem-dudu hina jejen himec tôdu odocnu 'esulgagale. Ege gait inondudu obocnuca egena 'abi megamekmi 'uhadocnuca 'unuk igigale. Egena sain hedocop wawige tôgdocop sau jic hudigecem hinaca ti bileqale. Mele.

Jawe age äladeale, uqa age. . . .

T: Mele, mele, mele.

Mel sim wajoiadecnu.

Ulicadec: Memige ijanna, . . .

Tamanec: Due.

U: Je maadec.

Ulicadec: O 'otiel, ege Adamnadec 'unuk silailca basi-gecebil mahana 'alihoqona. Anut melah Jesus egena silail qä 'agasigealumi Anut olohon 'ahulec dewenigena nijecep geligec biloum. Mel sim wajoidocnu ene ahoiga euha silailna dewek golaca 'unuk gegehinmen nijia, eunu fadalec 'atanec ocnu ihoc bilia. Jesus uqa 'almecna lo igen eu mel sinha oqagannu Jesus 'o tôdu wajoiadoqona. Aria, Jesus wajoc ifanen je eu 'asac madecemin doqale:

Jesus uqana malogom maaden: . . .

Jesus wajoiadecnu eundecnu maden euha madecemin doqale:

Oso wauk melececep wajoidocop . . .

O 'otiel, 'isdoigale, mel sim i uqa 'isdoca qä, age uqa 'o tawegina. Age mel i memecep Jesusnu wauk meleigianu tu gait uqanu inondoigale, Jesus na je kobolca me iwaldoigale, tutuc 'obigiannu ulouldoigale, memecep sukulna ligiannuc 'uha figiannuca 'esusdoigale, age mel iha jic me aquitoigale. Jesus maden: Oso mel oso i odi ija ijanina ehudigiaqa eu ija ehitigian. Oso mel sim osonu aisais heligiaqa eu duna män 'ulumen jelimeik 'u hewi macas dunuhcana helecebil ni fadalealumi eu 'ois en. Jesus mel sim benbahec gawadena eunuha je oso nijia, euha madecemin doqale:

Leih age mel sim Jesusca ehadi ahoin, uqa age hewadi äladigiannu. Ahocobil malogom age ehadi ahoin eundec gagalaadi 'ahacadein. Odocobil Jesus eu fimej maaden: Mel sim age ijaca hoigale, 'ain 'ahacadewain, mel simwe eundecnu Anutna 'ul mudon nijiado. Ija age mele maadigina: Oso Anutna 'ul mel sim oso u hewenawe qä u hewigiaqa eu euna qä li biliaun aden. Uqa odi maadimej mel 'otadimej eben ilomagana mimej 'äladen.

Mel sim iha äldoc eu ugiannu ege inondoqan:

O memige Anut, ege mel sim i wajoidocnu ahoqa hina amenna tawoqa. Mel i wawinqoca mecidogale, eu silailna

dewek golaca 'unuk gegehinmen nijia, faga, hina melem Jesus egena silail 'unuk gahidon, hina eunu 'isdumek mel i uqana silail 'agasitumek eben hewecem uqaca dannah hewesiale. Ege mel i wajoidocna hina ebenna meqan. O memige, hina mel i äldogale, hinana gisna joidogale. Mele.

O 'otiel, age mel sim i hehuldu 'o tawegina, eunu ija age sisiladigina: Age Satan uqana 'eteh 'eteh 'unukca hibeindocnufi madeiga!

(Age madeqagan:) Ija Satan hibemduga, . . .

Age Anutnuca, Jesusnuca, Gis gunnuca wawaga meleenafi madeiga!

(Age madeqagan:) Anut Jawe, ege memige, . .

Wawaga meleec euna ija mel i wajoidocnu madeginafi aoeiga!

(Age madeqagan:) Ao.

Age mel inu gait inondocnuca, Jesusna je kobolca iwaldocnuca, memeccep simna wajoidom eu qasali madocnuca, sukulna gait suldocnuca je eu dewenagana mecnu madeginafi aoeiga!

(Age madeqagan:) Ao.

U: (Uqa mel wajoidudu odi madugian:)

Ija hina memige ijanna, . . .

Mel wajoidumei eben mel dewekna mimei odi madugian:

Anut eu 'eteh 'eteh 'unuk odocnu uwen ihoclena, eu memigec Jesus memek, euqa hina wanaca, Gis gunnaca haun mihea, euqa hinana silail 'unuk 'agasihea, euqa hina 'ebacbilec 'atanec ogannu waukqoca 'esulheale.

Anutna malol eu hinaca bileale. Mele.

Ege inondoqan:

O memige Anut, hina mel i qila hinana mel muduga, hina uqa Jesusna eundeca gabanadaga, eunu ege hina dangehoqona. O memige, ege hina wawige lalqoca inonhoqona, hina mel i hinana gait biligiannu 'idacdogale eu hinana binannu iwaldocobil ben mimei hinana jicna 'obime 'eteh 'eteh mugumige migem Jesus odocna ugiannu 'esuldogale. Mele.

T: O ege memige, . . .

U: Äladecje.

T: Mele, mele, mele.

Anutca danah hewec eu hewi daukdocnu.

Ulicadec: Memige ijanna, . . .

Tamanec: Due.

U: Je maadec:

U: O mel, age sim bibilegin memegail anagailca madec-
ebil wa ilomagana nen. Memegail anagailca 'onaga tawec-
ebil Satan hibemdu 'obocnu, Anutnuca, Jesusnuca, Gis
gunnuca wawaga meleecep 'obocnu madein. Age sim
bibileik 'isdocnuca madecnuca qä nijecep wajoiadecna
Anut ageca danah hewein. Aria, qila age benmein bile-
gina, age Anutna jeca kobolca iwaladocomun du hedogina'.
Memegail anagail wele hehuladi madein eu age dodoc
'onagana qila madecnu nijia, Anut ageca danah hewec
eu age dodoc qila hewi daukdocnu nijia. Eunu ija age
sisiladecemin Anut ameknaca dana amaganaca qasali
madeiga!

Age Satan uqana 'eteh 'eteh 'unukca hibemdocnufi
madeiga!

(Age madeqagan:) Ija Satan hibemduga, . . .

Age Anutnuca, Jesusnuca, Gis gunnuca wawaga me-
leecepfi madeiga!

(Age madeqagan:) Anut Jawe, ege memige, . . .

U: Ege Inondoqan:

O memige Anut, ege hina amenna tawoqa, mel
i 'unuk wawinqoca meciadagale, eu sim bibilegin wajoi-
adecna hina ebenna madom, hina ageca danah hewein.
Hina age älaadegen benmein bilegina, age dodoc hina-
nabahec bileqagannu madeiga, age wele hinaca danah
hewein eu qila hewi daukdocnu madeiga. O memige,
age madeiga eu age 'uhanuc tôdu odocnu qä ihocleaun,
eunu hina hinana gis adecem wawagana li bilimeï 'esu-
ladeale, age hina amenna 'ogohiji 'ocobi hinana je gait
tôdu odoqagannu, agena wawaga meleec eu duigiannu,
age Jesusna nababalec gahidudu jic sosokcana 'obimeik

hinana gunna 'aleqagannu. Mele.

U: (Uqa eben suliu filfil ilomaganana mimei Anutna je oso maadigian.)

Ulicadec: O 'otiel, age qila 'onagana agena wawaga meleec eu qasali madeiga, age Jesus tôdu 'oboqagannu madeiga, eunu ege qila age tamanec benmein eundeca danahmecjec gun jecnu jic besiadoqona. O 'otiel, age porotestant kiristamanec gemo meje 'eteh qä doc eu iwaladocomun dogina, je eu hewi bileigale, tamanec eu 'ain hibemdowain, tamanec 'abi euha gahidoigale.

O tamanac 'otiel, age 'otogail haun Jesus ijanna ehadimeik uqana kobol 'unuk iwaladeigale. Age osoben Jesus dewek amihilon bilegina, eunu 'esuldocop 'esuldocop 'oboigale. Mele.

T. Due. O ege memige, . . .

U. Äladecje.

T. Mele, mele, mele.

Dana 'ajaca gabanalecnu.

Ulicadec: Memige ijanna, uqa melah . . .

Ulicadec: Je maadec.

Ulicadec: Ale ene Anut amekna dana amaganaca ocop ocop ewasannu tawesia, eunu ija 'asac Anut dana. 'ajaca gabanalec ifanen eu madecemin doqale:

Anut uqa maden, dana 'uhanuc bilec eu 'ois qä en, eunu ija 'aja oso uqaca bilewasannu muditugen en. Uqa naha odi maden: Eunu dana uqa memek anakca qisacali-me 'ajaca bilewasan, ale dewenala osol mowasan en.

Je silik eunu Paulus Efesus eundec odi jaqiaden: O dana, age agena 'ajanu 'almeigale, Jesus uqana tamanecnu 'almen odiwe odoigale. Dana agena 'aja age dodoc dewenaga tawoupwe agenu 'almeigale. Oso uqa aideknu 'almena eu uqa dodoc deweknu 'almena. Ge oso uqa dodoc dewek sagagdonafu? Qä, uqa dodoc dewek sab utona, uqa dodoc dewek äldona. 'Aja agena dana 'onoga Jesus odudoupwe jogoi tôdu odoigale, ge Jesus tamanec ilo tawenawe dana uqa aidek ilo tawena. — Paulus odi jaqiaden.

Anut uqa dana 'ajaca 'ulumen gahidowasannu maden euha madecemin doqale:

Anut uqa 'aja madon: Ija hina 'ulumen gahidoc ben mihigen, hina ben dainhehep mel basegan, hina hinana dananu wawin hôligian, uqa hinana 'ofhec biligian don. Anut uqa dana madon: Hina gait jainqiqihop 'abinu hina sab jegan, odimek 'eseli maha ibuldogan, ge hina maha, eunu 'eseli haun maha ibuldogan don. — Je eunu 'uuuk 'isdosiale. Mele.

O N. ija hina sisilhigina, hina N. hinana 'aja bili-giannu Anut ebennadec ehudogan, hina sain menaha. meqänaha uqanu 'alnimi golaldogan, hina uqa gait qä uldogaun, 'almec himec ale filiganaligian? Hina wawin eu odi nijecephi aoagale!

O N. ija hina sisilhigina, hina N. hinana dana bili-giannu . . .

Ale ebenala hewecep hewec esiale.

(Ulicadec uqa eben ebenalana mimei odi maligian:)

Ale Anut ameknaca dana amaganaca ocop ocop ewa-sannu madesia, eunu ija ale Anut ijanna, uqa melah ijanna, Gis gun ijanna gabanaligina. Anut gabanalen eu oso 'ain filigandoiaun. Mele.

Ege inondoqan: O memige Anut, hina wele dana 'ajaca dewenalaca wawalaia osol bilewasannu ifani malem. Hina dana 'ajaca i hina amenna ocop ocop esia eu me älalagale. Ale sain menaha meqänaha wawala osol nijecep hina amenna ogohiji 'obocnu, hina 'on tôdu odocnu 'esu-lalagale. Mele.

T: O ege memige, . . .

U: Äladecje.

T: Mele, mele, mele.

'Almec hel 'isadecnu.

Ulicadec: Memige ijanna, uqa melah . . .

Tamanec: Due.

U: Je maadec.

U: Anut galedocop ege 'otige ehudoianu ege uqa de-wekganac helna moqa nijia, eu maha, eunu haun maha

ibuldugian, eu 'omis, eunu haun 'omis ibuldugian. Jesus Kiristus egena besioigec uqa däl hib 'itqocna tulidocop haun 'ajigian. Mele.

(Ulicadec uqa dac 5, 2. 6, 7. 6, 17. 8, 23. 15, 15. 18, 16. 30, 12. 30, 13. je eundec oso madigian.)

Inondoc:

T: Due. O ege memige. Mele, mele, mele.

Anutna sisimecje 10.

Anut odi madena:

1. Ija Anut, hinana Tibudbahec, hina tibud osonu 'ain agaun.

2. Kadan 'ain metegaun, saunadec 'eteh 'etehnu, mahanadec 'eteh 'etehnu, wanadec 'eteh 'etehnu hahuna-ga 'ain ihicôn ogaun, 'ain 'omis madagaun, 'ain qesala-dagaun.

3. Anut hinana Tibud uqa ijan gauc 'ain madagaun, euqa gauc madigiaqa Anut wadacdugian.

4. 'Uhadälnu dahin 'isdumek gunmagale, däl 6 'abi-ogale, hinana 'eteh 'eteh 'unuk gebiadogale. Däl 7na Anut hinana Tibud uqana däl gun, eunu 'ain 'abiogaun.

5. Memen aninca lalan malagale, odimek hina jagel mati hinana mahana me bilegan.

6. Hina oso 'ain qocom 'almeaun.

7. Hina 'ajaca gabandoc eu 'ain 'agogaun, 'ain sasail magaun.

8. Hina heje 'ain ogaun.

9. Hina oso 'ain umqudugaun.

10. Hina osona jonu 'ain gukca mecidogaun, osona 'ajanu 'ain gukca mecidogaun, uqana mel beganu, uqana melait beganu, uqana dôlnu, uqana 'eteh 'eteh 'unuknu 'ain guk-ca mecidogaun.

Wawige meleecje.

1. Anut Jawe, ege memige, uqa gagadicbahec, uqa sau 'eteh 'etehca maha 'eteh 'etehca ifani men, euqanu

ija wawi meleena.

2. Jesus Kiristus Anutna melah osohic, egena Ben osohic, euqanu ija wawi meleena. Melait taula Maria Gis gunna waukca 'obimeî Jesus basen, age uqa dewek tudoin, Pontius Pilatus madecep nababalecna tuitu qocobil 'almen, hel 'isein, dol jobonna nuon, däl 3na haun 'eseli 'ajen, sau oholebna ten, ono uqa memek gagadicbahec eben meulanacisec bilena, eunadec 'eseli haun toni nimeî 'ebec eundeca 'almec eundeca gesilaadi bili tutuc madi-gian, euqanu ija wawi meleena.

3. Gis gunnuca, kiristamanec gun osohicnuca, silail 'agasecnuca, 'almec eundec 'eseli 'ajecnuca, 'ebacbilec 'atanigiannuca, eunu ija wawi meleena. Mele.

Memige inondoc gun.

O ege memige, hina sauna bilegena, hina ijain gun biliale, hinana 'ul egeca hoiale, hina 'on tôdu odoc sauna ihoclenawe odi mahanaha ihocleale. Sab jecnu ba ihoc igigale, egena silail dahin 'eleale, age ege silail migegina egeha dahinige 'elena. Hina ege tembahec 'ain gagaun, Satanca uqana kobolca 'agasigagale. Ge eu sauca mahaca hinana dih, gagadic odoc hinana dih, kobol kobol hinana dih, eu odi hina gait bilegen 'atanena. Mele.

Satan hibemdocnu, Jesusna falicdocnu je.

Ija Satan hibemduga, uqa kobol meqä silik, uqa memigel uhuladecep jic meqäna 'oboloik, jic eu tôadi 'oboc 'uladiga. Balca, 'äh jeleca, qisolmec eu 'unukca 'uladiga. Ija Jesusna falicduga, uqa ijana 'agasidec, uqa golacna ija wawi gegehin soidona, eunu ija uqa jejek gait tôdu odigen. O memige Anut, hina amanna madi-gina, ija madiginawe odocnu 'esultagale. Mele.

Qasil inondoc.

Qasil sälimek odi inondoga:

O mei Anut, ija ba me 'idactetegen witic us nijiga, eunu dangehigina. Ija ba 'ahinek 'obocnu 'el 'eteh oso gulucdugen eu ija qä dugina. Hakfo, deweni tudoc osofo, 'almecfo ququluptigian eu hina himec dogona. Eunu de-

weni dolonica hina ebenna migina, hina eu me 'ofdogale. Satan uqana aisaisna ligaunnu ija homi 'ehegale. Ija hina wowogoin nu tawecemin 'atanigiannu 'esultagale. Ijana eundecha 'unuk me 'idacadagale. Mele.

Wesu inondoc.

Us nijecnu bili hina odi inondoga:

O Ben, ija ba 'ahinek 'ocobigin hina ija 'oftaga, ija 'cteh oso jahuni 'odocnu qä nijel. Ija gun 'obocnu ben jainqitena, eu gait qä ihoclena. Hina olain soidoca mecitetek meqä ba haun deweni fagdoia eu 'unuk soidutagale, ijana silail eu dahin 'ain nijiaunle. Mele, hina 'idac-tagana eu ija me eunu qä, hina ijanu wawinqoca eunu odogona. Eunu ija hina binain susuli dangehigina. O mei Anut, ija qila haun us nijigen, hina ija tabani 'ain 'ulugagun, hewi hewidogale. Ijana eundecha 'unnk me 'idacadagale. Mele.

Hakcanu incendoc.

O mei Anut, ija hak qitena, deweni 'unuk ben daintena. Hina ijanu adi 'isdogona eu ija qä dugina, ija mahana 'obocsain hedoiafo eu hina himec dogona. O Ben, ija hina amenna lecnu ben 'ucujigina, ge ija deweni wawica 'unuk silail matica, ija eu sanijecnu qä nijel, tutuc mudocnuha qä nijel, eunu hina ijanu walolheale. Hina ija hak eu 'agasitecnufi 'agasitagale, ija hina 'on tôdu oodi haun 'obocnu wawi nijia. Ija hak eu gahidocnufi 'esultagale. Hina ija enedec utatecnufi wawinqoca mecitagale, memitec Jesus golacna ijana silail 'unuk soidutagale. Deweni dolonica hina ebenna migina, hina ijana Tibud, ija hinanu deweni nijia. Mele.

Sab jecnu binan sulecnu.

O Annt, amaga 'unuk hinanu meciegina, hina agena sab sain ihocna adagana. Hina eben huleldumek 'ebac 'oboc 'unuk am qeliadagana. O memige dange, hina ijain wasi nuiale. Mele.



